



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XI. Die Markgrafen Otto und Conrad verkaufen der Stadt Prenzlau die Freiheit von der Nachmessung ihrer Grundstücke und verschiedene Rechte, am 8. September 1287.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

X. Die Markgrafen Otto und Conrad verkaufen Bürgern zu Prenzlau die Freiheit von der
Lehnbede, am 11. November 1283.

Nos Otto et Conradus, Dej gracia Marchiones Brandenburgenses, recognoscimus coram vniuersis Christi fidelibus publice protestantes, quod vniuersos Burgenses et singulos in ciuitate Prinzwaw degentes et eorum heredes ab omni precaria nobis danda liberos et solutos dimimus, que denariis suis mercati sunt, quod de bonis eorum pheodatis nullas prorsus precarias debeant dare nobis. Nomina bona feodata habencium sunt hec: Heinricus rufus et suj heredes omnia bona ipforum ad agriculturam eorum sine precariis habebunt, preterea habebunt sex manfos in bonis ipforum ad agriculturam eorum sine precariis et absque seruiciis aliquibus. Conrad vinitor et suj heredes omnia bona ipforum vniuersaliter libera sine precariis habebunt, preterea habebunt duodecim manfos ad agriculturam eorum in bonis ipforum eciam sine precariis et absque seruiciis aliquibus. Johannes de Penckun sui que heredes omnia bona eorum libera habebunt et absque precariis ac sine seruiciis aliquibus. Johannes Haltpape et suj heredes, Johannes de Brunne et suj heredes, Scadelow et suj heredes, filii Arnoldj de Sycke et eorum heredes, Johannes de Cedenick ac suj heredes, Theodericus, pellifex, et sui heredes, Filij Heifonis pellificis et eorum heredes, Heinricus de Lughe et suj heredes, filii Johannes de Colene et eorum heredes, Filii Hinricus de Schufen et eorum heredes, filii Heidenricus de Bismark et eorum heredes, Conradus de Stagno et suj heredes, Henricus Tabbard et suj heredes, Gerhardus de Bismark et suj heredes, omnia bona eorum, que nunc habent et possident, habebunt libera et absque precariis aliquibus. Igitur vt premissa hec per nos nostrosque successores hereditarios irrefragabiliter obseruentur, presentes literas in evidens damus testimonium, sigillorum nostrorum appensionibus consignatas. Datum Prinzwaw, Anno Domini M^o. CC^o. LXXXIII^o., in die Sancti Martini confessoris, per manum Bernardj, Curie nostre notarii et cappellani.

Nach Beckmann's Abschrift des Originals.

XI. Die Markgrafen Otto und Conrad verkaufen der Stadt Prenzlau die Freiheit von der
Nachmessung ihrer Grundstücke und verschiedene Rechte, am 8. September 1287.

In Nomine Domini Amen. Omnibus in Cristo fidelibus presentes literas inspecturis Otto et Conradus, Dei Gratia Marchiones Brandenburgenses in perpetuum. Humani generis actiones perpetua indigentes memoria plerumque ab hominum notitia dilabuntur, que nec scripturarum nec testium munimine confirmantur. Quapropter Constare volumus tam presentibus quam futuris Cristi fidelibus uniuersis, quod Causam dimensionis agrorum adiacentium Civitati Printzwaw, que nos tangebatur ex una et Civitatem ex parte altera, terminauimus de maturo prudentum nostrorum Consilio favorabiliter in hunc modum, videlicet mensuram agrorum prefate Civitatis nunc et in perpetuum simpliciter relaxamus, ita ut nec a nobis nec a nostris heredibus uniuersis unquam

fuerit repetenda. Civitas etiam Printzlaw Cum agris, cultis et incultis, pratis, pascuis, Stagnis, aquis, fluentibus, Paludibus et cum omnibus his inclusis, que in ipsius civitatis distinctionibus continentur, libera manebit a mensura. Et neque nos neque nostri heredes debemus civitatem Prenzlaw contra Justitiam impedire aut agros, aut stagna, aut Prata, aut Pascua, aut aquas fluentes, aut Paludes, aut metas, que theutonice dicuntur ein Huefchlag, vel in mensura seu in aliis rebus, quas quis excogitare sciret five posset. Item Civitas Printzlaw, Burgenfes et eorum heredes manebunt apud sua jura et obtinebunt hereditates, quas a nobis et a nostris Progenitoribus sibi datas possunt evidentibus privilegiis rationabiliter approbare. Privilegia quoque eorum, in quibus hujusmodi jura et libertates continentur, non debent cum aliis infra scriptis articulis permutari. Et quicquid nobis contigerit cum predictis Burgenfibus singulis annis seu temporibus placitare, hoc non diminuere debet Jura libertates et Privilegia predonata. Preterea Civitatis Burgenfibus et eorum heredibus dedimus in perpetuum hoc servandum, quod omnia molendina dicte civitati adiacentia currus suos mittere debent ad Civitatem Printzlaw et annonam quamcumque molendam educere debent et reducere, utpote nostrorum dictavit sententia discretorum, Et nolumus, ut aliquis ausu temerario presumat hujusmodi molendinarios vel eorum nuncios in hujusmodi statutis quodammodo impedire. Insuper predictis Burgenfibus liberam et plenariam damus facultatem, quod possint se ac Civitatem Printzlaw quandocumque eis placuerit, muro firmare lapideo et munire sine impedimento molestie alicujus. Hec omnia promissimus Civitati, Burgenfibus et eorum heredibus firmiter ac fideliter observanda a nobis nostrisque successoribus hereditariis presentibus ac futuris. Pro hujusmodi libertate ac donatione predicti Burgenfes dederunt nobis trecentas Marcas Brandenburgensis monete. Vt autem hec omnia premissa firma permaneant et perpetuo inconcussa presentes literas in evidens testimonium desuper describi iussimus et sigillorum nostrorum appensionibus roboratas, testibus adhibitis, qui presentibus aderant, subnotatis, videlicet Friderico de Ecstede, Ludewico et Hassone, fratribus de Wedel, Henrico de Wardenberg, Ottone de Ellingen, Buffone de Bellinge, Johanne de Grifenberghe, Gherardo de Wofstrow, Johanne de Sparrenwolde, militibus, Johanne de Farenholtze (al. Berkholte), advocato Potzenwalkens, Henrico, Venatore, advocato Levinwoldens, annone, advocato stolpens, Johanne et Betekino, prefate Civitatis scultetis, Conrado, Vinitore, et Henrico Rufo, Heinrico de Lughen, Rudolpho de Seeninge, Gerengero et Conrado de Stagno, Scabinis, Johanne Fabro, Theodoro, Pellifice, Alberto Brunschwich, Heinrico de Juterwitz, Johanne de Niendorp, Nicolao de Dybe, tunc temporis consulibus et quam pluribus aliis fide dignis. Date Printzlaw, anno Dominice incarnationis M^o. CC^o. LXXXVII^o., in die Nativitatis beate Marie Virginis, Per manum Bernardi, curie nostre Notarii.

Aus einem Copialbuche der Breslauer Bibliothek J. F. 34, Blatt 16—19. Buchholz Geschichte Th. IV., Urkunden-Abhang 119.